



Agency for Development of Higher Education and Quality Assurance of Bosnia and Herzegovina

Broj: 05-33-1-423-2/24

Datum: 11.09.2024. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Internacionalni Burch univerzitet**, na osnovu prijedloga Ministarstva za nauku, visoko obrazovanje i mlade Kantona Sarajevo (u daljem tekstu: Ministarstvo), direktor Agencije za razvoj visokog obrazovanja i osiguranje kvaliteta Bosne i Hercegovine (u daljem tekstu: Agencija) donosi

RJEŠENJE

o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove **Internacionalni Burch univerzitet**

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljnjem tekstu: Komisija stručnjaka) u postupku akreditacije visokoškolske ustanove **Internacionalni Burch univerzitet**, u sljedećem sastavu:
 - 1) Sabina Džonlagić, predstavnik akademske zajednice BiH – predsjednik Komisije stručnjaka,
 - 2) Edina Rizvić-Eminović, predstavnik akademske zajednice BiH, članica,
 - 3) Damir Alihodžić, predstavnik privrede i prakse, član,
 - 4) Dalibor Dobrilović, međunarodni stručnjak, član i
 - 5) Asja Šarić, student, članica.
2. Komisija stručnjaka iz tačke 1. u postupku akreditacije navedene visokoškolske ustanove postupat će na osnovu Okvirnog zakona o visokom obrazovanju u Bosni i Hercegovini (u daljnjem tekstu: Okvirni zakon), Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/11 i 26/19) (u daljnjem tekstu: Odluka o normama), Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16) i drugih dokumenata Agencije kojima je uređen postupak akreditacije, kao i propisima Ministarstva, usklađenim s aktima Agencije, a kojima je uređen proces akreditacije.
3. Komisija stručnjaka dužna je konačni izvještaj o eksternoj evaluaciji visokoškolske ustanove dostaviti Agenciji u skladu sa propisima nadležne obrazovne vlasti koja je predložila imenovanje Komisije stručnjaka, a najkasnije u roku propisanom Zakonom o opštem upravnom postupku BiH.

4. Za koordinatora u postupku akreditacije visokoškolske ustanove **Internacionalni Burch univerzitet**, imenuje se Jelena Šantić Stefanoska, viša stručna saradnica za visoko obrazovanje.
5. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije stručnjaka kojim se preciznije razrađuju prava i obaveze ugovornih strana.
6. Rješenje stupa na snagu danom donošenja.

O b r a z l o ž e n j e

Ministarstvo za nauku, visoko obrazovanje i mlade Kantona Sarajevo, dostavilo je dana 22.07.2024. godine akt Prijedlog za imenovanje Komisije stručnjaka u vezi sa zahtjevom za institucionalnu reakreditaciju International Burch University, broj: 27-03-34-11188/24 od 07.07.2024. godine, u kojem su predloženi stručnjaci sa liste stručnjaka Agencije za imenovanje u Komisiju stručnjaka, a koja će obaviti posjetu visokoškolskoj ustanovi Internacionalni Burch univerzitet i, na osnovu utvrđenog stanja, dati preporuku o ishodu akreditacije predmetne visokoškolske ustanove.

Cijeneći sadržaj podnesenog prijedloga, a postupajući u skladu s Instrukcijom o načinu imenovanja komisije stručnjaka za akreditaciju, broj: 05-02-1-71-1/16 od 28.01.2016. godine Agencija je utvrdila sljedeće činjenično stanje. Na osnovu uvida u Listu stručnjaka, koja je dostupna na internet stranici Agencije, utvrđeno je da se predloženi članovi Komisije stručnjaka nalaze na utvrđenoj Listi stručnjaka. S tim u vezi, Agencija utvrdila nepostojanje sukoba interesa kao i dostupnost da u narednom periodu obave posjetu visokoškolskoj ustanovi u njenom sjedištu u Sarajevu i o tome sačine Izvještaj o eksternoj evaluaciji navedne visokoškolske ustanove.

Komisija stručnjaka u postupku akreditacije visokoškolske ustanove Internacionalni Burch univerzitet dužna je primjenjivati Okvirni zakon kojim su propisane nadležnosti učesnika u postupku akreditacije, Odluku o normama kojom je detaljnije regulisan način rada komisije stručnjaka i sadržaj Izvještaja o eksternoj evaluaciji, Odluku o kriterijima za akreditaciju visokoškolskih ustanova u Bosni i Hercegovini kojom su utvrđeni kriteriji čiju ispunjenost argumentirano procjenjuje kroz analitički osvrt na periodične trendove kretanja (pad ili rast) rezultata primjene određenih procedura/mehanizama iz zahtjeva kriterija, a što detaljno opisuje u svom izvještaju.

Dalje, Komisija stručnjaka dužna je primjenjivati propise nadležnog Ministarstva za nauku, visoko obrazovanje i mlade Kantona Sarajevo, usklađene s aktima Agencije, a kojima je uređen proces akreditacije.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku.

Konačan izvještaj o eksternoj evaluaciji Komisija stručnjaka dostavlja Agenciji i nadležnoj obrazovnoj vlasti koja je predložila imenovanje. Na osnovu dostavljenog izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije

visokoškolske ustanove, Agencija daje preporuku o ishodu akreditacije nadležnoj obrazovnoj vlasti na osnovu koje se donosi rješenje o ishodu akreditacije visokoškolske ustanove.


Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije stručnjaka kojim će se preciznije regulisati prava i obaveze ugovornih strana.


Pravna pouka:

Protiv ovog Rješenja može se izjaviti progovor direktoru Agencije u roku od 8 dana od dana prijema.

Dostavljeno:

- 1) Imenovanim članovima
Komisije stručnjaka, (via mail)
2. Ministarstvo za nauku, visoko
obrazovanje i mlade Kantona Sarajevo
3. Visokoškolskoj ustanovi
4. Sektoru 05
5. Arhivi





BOSNA I HERCEGOVINA - БОСНА И ХЕРЦЕГОВИНА

Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka



Агенција за развој високог образовања
и обезбјеђивање квалитета
Босне и Херцеговине
Бања Лука

Agency for Development of Higher Education and Quality Assurance of Bosnia and Herzegovina

Broj: 05-33-1-423-3/24
Banja Luka, 17.09.2024. godine

Na osnovu člana 61. stav 2. Zakona o upravi ("Službeni glasnik Bosne i Hercegovine", broj 32/02 i 102/09) i člana 132. i 209. Zakona o upravnom postupku ("Službeni glasnik Bosne i Hercegovine") " , broj 29/02, 12/04, 88/07, 93/09 i 41/13), a u vezi sa članom 49. stav 8. Okvirnog zakona o visokom obrazovanju u Bosni i Hercegovini (Službeni glasnik br. Bosna i Hercegovina broj 59/07 i 59/09), direktor Agencije za razvoj visokog obrazovanja i osiguranje kvaliteta BiH izdaje:

ZAKLJUČAK

o ispravljanju greške u Rješenju

1. U Rješenja Agencije za razvoj visokog obrazovanja i osiguranje kvaliteta Bosne i Hercegovine broj: 05-33-1/423-2/24 od 11.09.2024. godine u prvom pasusu stoji pogrešno navedeno prezime predstavnice akademske zajednice BiH „**Sabina Džonlagić**“, umjesto kojeg je potrebno navesti „**Sabina Đonlagić Alibegović**“.
2. Ovaj Zaključak je sastavni dio prvobitnog Rješenja i ima pravno dejstvo od dana stupanja na snagu navedenog Rješenja.
3. U preostalom dijelu Rješenje ostaje nepromijenjeno.

O b r a z l o ž e n j e

Ministarstvo za nauku, visoko obrazovanje i mlade Kantona Sarajevo, dostavilo je dana 22.07.2024. godine akt Prijedlog za imenovanje Komisije stručnjaka u vezi sa zahtjevom za institucionalnu reakreditaciju International Burch University, broj: 27-03-34-11188/24 od 07.07.2024.godine, u kojem su predloženi stručnjaci sa liste stručnjaka Agencije za imenovanje u Komisiju stručnjaka, a koja će obaviti posjetu visokoškolskoj ustanovi Internacionalni Burch univerzitet i, na osnovu utvrđenog stanja, dati preporuku o ishodu akreditacije predmetne visokoškolske ustanove.

Cijeneći sadržaj podnesenog prijedloga, a postupajući u skladu s Instrukcijom o načinu imenovanja komisije stručnjaka za akreditaciju, broj: 05-02-1-71-1/16 od 28.01.2016.godine Agencija je utvrdila sljedeće činjenično stanje. Na osnovu uvida u Listu stručnjaka, koja je dostupna na internet stranici Agencije, utvrđeno je da se predloženi članovi Komisije stručnjaka nalaze na utvrđenoj Listi stručnjaka. S tim u vezi, Agencija utvrdila nepostojanje sukoba interesa kao i dostupnost da u narednom periodu obave posjetu visokoškolskoj ustanovi u njenom sjedištu u Sarajevu i o tome sačine Izvještaj o eksternoj evaluaciji navedne visokoškolske ustanove.

Po prijemu Rješenja predstavnica akademske zajednice Sabina Đonlagić Alibegović koja je imenovana kao predsjednica Komisije je odgovorila e-mailom i obavijestila koordinatora da je uočila pogrešno navedeno prezime – umjesto navedenog „Džonlagić“, potrebno je navesti „Đonlagić Alibegović“.

Imajući u vidu prethodno navedeno Agencija je donijela predmetni Zaključak kao u dispozitivu.

Pravna pouka:

Protiv ovog Zaključka može se izjaviti progovor direktoru Agencije u roku od 8 dana od dana prijema.

Dostavljeno:

1. Imenovanim članovima
Komisije stručnjaka (via e-mail),
2. Ministarstvo za nauku, visoko
obrazovanje i mlade Kantona Sarajevo (via
e-mail)
3. Visokoškolskoj ustanovi
4. Sektoru 05
5. Arhivi

